

«Ս. ՍԱՀԱԿ - Ս. ՄԵՍՐՈՊ» ՀՔԱՆՇԱՆ ԼԻԲՐԱՐԱՆԱՏԱՅ ՆՐԱԴԱՐԱԿԱԽՈՍ ԺԻՐԱՅԻՐ ՆԱՅԻՐԻ ԹՈՍՈՒՆՅԱՆԻՆ

Մայիսի 17-ին Մայր Աթոռ Ս. Էջմիածնում Ն.Ս.Օ.Տ.Տ. Գաբեգին Բ Ամենայն Հայոց Կաթողիկոսը «Ս. Սահակ - Ս. Մեսրոպ» շքանշան հանձնեց լիբանանահայ գրող և հրապարակախոս, «Նայիրի» շաբաթաթերթի խմբագիր Ժիրայր Նայիրի Թոսունյանին՝ հասարակական և գրական-մշակութային արդյունաշատ գործունեության 55-րդ տարեդարձի առիթով:

Շքանշանի հանձնման արարողությանը բացման խոսքով հանդես եկավ Մայր Աթոռի միաբան Տ. Ներսես արքեպս. Պողոսյանը՝ անդրադառնալով մեծարյալի վաստակին և նշելով, որ Ժիրայր Նայիրին իր գրիչը ոչ միայն ի սպաս է դրել հայ դպրությանը, այլև նրանով պայքար է մղել հանուն Հայրենիքի և Մայր Աթոռ Սուրբ Էջմիածնի: Այս «Էջ Միածինն ի Տօրե» շաբաթականի երգեցողության ներքո ներս բերվեց Հայրապետական Սրբարար Կոնդակը, որն ընթերցեց Մայր Աթոռի դիվանապետ Տ. Արշակ եպս. Խաչատրյանը:

«...Մեծարգո պրն Ժիրայր Նայիրի, Ձեր կյանքի հիշարժան այս հանգրվանը Դուք դիմավորում եք մրավորականի ազգօգույր գործունեության հարուստ վաստակով, ճանաչված ու սիրված հավաքավոր մեր ժողովրդի կողմից:

Տասնյակ տարիներ Դուք եղել եք պատասխանատու խմբագիրը «Արարատ» օրաթերթի՝ Ձեր ջանքերը ներդնելով, որպեսզի պարբերականը շարունակի մեր ժողովրդի զավակներին հաղորդ դարձնել սփյուռքահայ համայնքներում, Մայր Հայրենիքում և մեր Սուրբ Եկեղեցու կյանքից ներս փնդի ունեցող կարևոր իրադարձություններին՝ նպաստելով նրանց հոգիներում ազգանվիր ոգու ու նկարագրի ձևավորմանն ու պահպանմանը: Նույն նախանձախնդրությամբ Դուք այսօր հրապարակում եք «Նայիրի» շաբաթաթերթը՝ շարունակելով գնահատարժան ծառայությամբ Ձեր ավանդը բերել ազգային մեր կյանքի շինությանն ու պայծառությանը:

Արդյունաշատ է նաև Ձեր սրբեղծագործական գործունեությունը, որի վկայությունը Ձեր հեղինակած և խմբագրած բազմաթիվ գրքերն են, հրապարակախոսական հոդվածները, հուշագրություններն ու ուսումնասիրությունները:

Մեզ համար մասնավոր գոհունակություն է հաստատել, որ Ձեր գործունեության ողջ ընթացքին Դուք դրսևորել եք անկեղծ նվիրում ու նախանձախնդրություն հանդես Մայր Աթոռ Սուրբ Էջմիածինը: «Արարատի» էջերում հրապարակած Ձեր հոդվածներով Դուք քաջալերել եք մեր ժողովրդի զավակներին հակառակ ամեն դժվարության, անխախտ պահել հավատարմությունը Սուրբ Էջմիածնի նկատմամբ և որդիական պարտավորվածությամբ օգրակարություն բերել նրա շինությանն ու պայծառությանը: Մենք ժամանակին ականջալուր ու վկա ենք եղել, թե որքան բարձր էր գնահատում Ձեր եկեղեցանվիր ծառայությունները և էջմիածնասեր ոգին երջանկահիշատակ Վազգեն Ա Ամենայն Հայոց Հայրապետը՝ հայրական իր սերն ու օրհնությունը բերելով հավաքավոր հայորդուդ».- ասվում է Հայրապետական Սրբարար Կոնդակում:

Շքանշանի հանձնումից հետո ներկաներին իր սրտի խոսքն ուղղեց նաև փառ Ժիրայր Նայիրին՝ երախտագիտություն հայտնելով Վեհափառ Հայրապետին բարձր պարգևի հա-

մար, որ վկայությունն էր Հայրենիքին, ազգին և Եկեղեցուն իբրև հայրենասեր և եկեղեցասեր հայ մարտիցած իր ծառայության. վկայություն դեռևս պապաանի փարիներին կապարված հայրենասիրության ուխտի իրագործման:

«Ինձ համար չկա ավելի մեծ պարիս, քան Մայր Աթոռ Սուրբ Էջմիածնի հարազատ գավակ անվանվելը Մայր Աթոռի գահակալի կողմից: ...Այսօր Ձեր Սրբազնագույն Աջից ստացված այս շքանշանը վկայում է, որ ես եղել եմ Մայր Աթոռի, Հայ Եկեղեցու, Հայրենիքի հարազատ գավակը, որ իր հոգեմտավոր գործունեությամբ, իր հասարակական աշխատանքով արժանացել է այս բարձր պարգևին և փիլոզոսին: Ուզում եմ խոնարհաբար վստահեցնել, որ այսուհետև ևս անմնացորդ պիտի ծառայեմ իմ համեստ ուժերով, իմ կարողությունների չափով հայ ժողովրդի գոյության խորհրդանիշ, ինքնության պահպանման միջնաբերդ հանդիսացող Հայ Եկեղեցուն: ...Ես գինվորն եմ Հայրենիքի և իմ Եկեղեցու», - մասնավորաբար նշեց Ժիրայր Նայիրին իր խոսքում:

Վերջում ներկաներին իր հայրական խոսքն ուղղեց Ամենայն Հայոց Հայրապետը՝ բարձր գնահատելով Եկեղեցու նվիրյալ գավակի՝ դեպի Մայր Աթոռ Սուրբ Էջմիածինը, Հայոց Եկեղեցին և դեպի Հայրենի երկիրը ցուցաբերած սերը և հավատարմի ծառայությունը: «Մենք գիտենք, որ Ժիրայր Նայիրին Սփյուռքի մեր Էջմիածնասեր այն գավակներից է, որ կանգնած է եղել միշտ Հայրենիքի և Սուրբ Էջմիածնի կողքին և ծառայել անձնվիրումով: Դժվարին ժամանակներ էին, և քաջություն էր պետք խոստովանելու, հայտարարելու, որ քաջապետ Հայրենիքի կողքին կանգնած անձնավորություն է և Էջմիածնասեր անհատ, որովհետև Հայաստանի կողքին լինել՝ նշանակում էր կոմունիստական գաղափարախոսության ծառայելու պիտակ առնել իր վրա: Բայց քաջությամբ նրանք կանգնած էին հայրենասիրության այդ պարենեշի վրա և առաջնորդում էին հոռի այն խմբին մեր գավակների, որոնք քաղաքականությունից վեր և քաղաքականությունից դուրս իրենց հոգում կրում էին սերը դեպի դարավոր մեր Հայրենի երկիրը և մեր նվիրական Սուրբ Աթոռ՝ Սուրբ Էջմիածինը: ...Մենք վստահ ենք, որ այդ փարիների ընթացքին բազում հայորդիներ կրթվել, դաստիարակվել ու ներշնչվել են հայրենասիրության ու եկեղեցասիրության Ձեր ոգով: Ձեր սերունդների ոգին էր նաև, որ ծնեց անկախությունը մեր Հայրենիքի», - ասաց Հայոց Հայրապետը՝ մաղթելով, որ առավել արգասաբեր դառնա հրապարակախոսի իր գրիչը և բազմադյուն՝ նվիրումն ու ջանքերը, որ փիար Ժիրայր Նայիրին ներդնում է հայ լրագրության ծառայության կարևոր գործին:

ՄԱՅՐ ԱԹՐՈՍ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ



ՇԻՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՅԻՆ ԳԵՂԱՐԱՆՈՒԹՅԱՆ ԳԵՂԱՐԱՆՈՒԹՅԱՆ